

JUANËAN ARIBI BUÁNMITËCËAN QUIRICA

Cristo cuëëncësabi oi 'iti 'imainun unicama nuibati bana

¹ 'Ex axa Jesucristomi catamëcë unicaman cushi 'ixun cana mixmi Nucën Papa Diosan ainan 'inun caíscë xanu 'icë, 'en asérabi a nuibacë min tuácamacëñun, ëné quirica an Nucën Papa Diosan bana 'acë unicamabëtan, mi cuënëoxunin. ² Ainan 'aishnu xëníbua 'aínbi abë 'iti Jesucristo, a cupí cananuna mitsu nuibatin. ³ Nucën Papa Diosan ca aín Bëchicë Jesucristobëtan nuibaquin mitsu 'a quinti 'icën. An ca asérabi an nuibaquin 'a quincëxmi chuámarua 'aish bucunun mitsu 'imiti 'icën.

⁴ Min tuá raírinën ca Nucën Papa Dios quicësabi oquin 'aia quixuan ñuicania cuati cana cuëëinra cuëean. ⁵ Min 'unáncëma banama, Jesucristomi catamëtabaquinu cua, a banabi cana mi ñuixuntëcënin. A bana quicësabi oi cananuna bëtsibë bëtsibë nuibananti 'ai quixun cana mi cain. ⁶ Asérabi Nucën Papa Diosmi sináncë unin ca axa quicësabi oquin 'aia. Aín banax ca quia, camina bëtsibë bëtsibë nuibananti 'ai quiax. Jesucristomi catamëtabaquinmi cua, abi ca a bana 'icën.

An uni paráncë unicama ñui quicë bana

⁷ Itsa unin ca camabi menu cuanquin uni paránquin —Nucën Papa Diosan Bëchicë ca uni 'inux uacëxa —quixun caquinma, bëtsi bana ñuquin uni parania. Usa unix ca an uni paráncë

'ianan an 'atimaquinra Cristo ñuicë uni a 'icën.
⁸ Usa 'aínbi ca an mitsun a 'ati 'ináncë ñucamami ax quicësabi oquin sénéonquin 'aia a cupí aín nêtënuixun Nucëñ Papa Diosan an mëniosabi oquin mitsu 'imiti 'icën. Uisaira oquin cara 'imiti 'icë usoquian mitsu 'iminun camina an 'atimaquin Cristo ñuicë unían mitsu paránunma bérúanracati 'ain.

⁹ Ui unin cara Cristonëñ bana quicësabi oquin 'aquinma ax cuëëncësa oquinshi 'aia abëma ca Nucëñ Papa Dios 'icën. Usa 'aínbi ca axa Cristonëñ bana quicësabi oi 'icë uni abë cuni Nucëñ Papa Dios 'imainun aín Bëchicë Jesucristo 'icën. ¹⁰ Ui unin cara mitsu isi cuanxun Jesucristo ñui quicë bana —ax ca asérabi 'icë —quixun ñuiquinma bëtsi oquin ñuia, a camina min xubunu atsínmima 'ianan —caina uan —quixunribi catima 'ain. ¹¹ Axa usa unibë nuibanancë uni an ca an 'acësaribi oquin ñu 'aisama 'aia. Usa 'aish ca 'aisama uni 'ia.

Ashia Juanëñ cá bana

¹² 'En mitsu a ñuiquin cati ñu ca 'itsa 'icën. 'Aínbi cana tintan quiricanu cuëñeoquin a ñucama mitsu ñuixuniman. Usa 'ain cana mitsu isi cuanti sinanin. Cuanxun cuni cana mitsu 'en cuëbitanbi ñuixunquin cati 'ain. Usa 'ain cananuna camáxbi isánani, cánani chuámarua taní cuëënti 'ain.

¹³ Nucëñ Papa Diosan atúxribia ainan 'inun caíscë min xucënan tuá atúnribi ca bérúanxmi 'inun quixun mi 'é camia. Ashi, Juan.

**Nukën 'Ibu Diosan ain unikama 'inan ain
bana**
New Testament in Cashibo-Cacataibo
(PE:cbr:Cashibo-Cacataibo)

copyright © 2011 Wycliffe Bible Translators, Inc.

Language: Cashibo-Cacataibo

Translation by: Wycliffe Bible Translators, Inc.

Cashibo-Cacataibo

cbr

Peru

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cashibo-Cacataibo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022
c8d73d75-386c-5f5e-a601-116dba3dae9b